



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 3. Qualiter probent exempla?

[urn:nbn:de:hbz:466:1-73001](#)

poterit autem hoc constare, si vel in principio, vel in fine libri, aut actus inscripti ab illo mentio fiat.

§. 3.

Qualiter probent exempla?

1828. Quæ differentia sit inter *exemplar*, & *exemplum*? & quid sit hoc? quid illud? diximus n. 1774. Cœterum, quod eo loco diximus *exemplum*, alii vocant *transumptum*, seu *copiam*; quod autem *exemplar*, dicunt *originale*. Alii porrò censem, nullam esse differentiam inter *exemplar*, & *exemplum*: probantes id ex c. i. h. t. ubi etiam *transumptum*, seu id, quod ex originali *descriptum* est, vocatur *exemplar*, ibi: *si scripturam Authenticam non videmus, ad exemplaria nihil facere possumus.* Transumpta porrò, quæ referunt totum *exemplar*, seu *originale*, propriè dicuntur *transumpta indices; exempla;* quæ autem tantum partem, dicuntur *memoria*; quibus positis, quæstio est, an *exempla*, *copiae*, seu *transumpta* habeant vim probandi ea, quæ in ipsis dispositivè *descripta* reperiuntur, & quantum?

1829. De hac quæstione extat textus in c. *si scripturam i. h. t. ibi: si scripturam authenticam non videmus: ad exemplaria nihil facere possumus;* cuius sensum sic reddit rubrica: *instrumenti exemplum, non solemniter sumptum, non facit fidem absque originali;* & in c. fin. eod. ibi: *si instrumenta propter vetustatem, vel propter aliam justam causam exemplari petantur, Coram ordinario judice, vel delegato, ab eo, specialiter presententur: qui, si ea diligenter inspecta, in nulla sua parte vitiata reperit; per publicam personam illa præcipiat exemplaria, eandem auctoritatem per hoc cum originalibus habitura.* Ex hoc communiter deducunt Doctores, *exemplum*, seu *transumptum*, à Notario, qui *originale* fecit, ad hoc rogato confectum cum omnibus solemnitatibus, priori simillimum, habere eandem vim probandi, quam *exemplar*, seu *instrumentum publicum*, ex quo demsumptum est; sic enim est æquivalenter *originale*; imò tale præsumitur, nisi in

eo expressum sit, esse exemplum, seu *transumptum*.

Ex hoc sequitur idem dicendum, 1830. si *transumptum* *scriptum* sit ab alio, modò Notarius subscripsérit, nam hoc sufficit ad *originale* per n. 1799. Sequitur 2. hanc vim probandi competere exemplo, ut dictum est confecto, eriam si non intervenerit *authoritas Judicis*, modò factum sit consensu, & rogatu eorum, quorum interest; ita Bartolus in *Authent. si quis in aliquo. C. dedicando, n. 5.* nam licet in c. fin. h. t. dicitur, si *instrumenta* propter *vetus*tatem, vel aliam justam causam *exemplari* petantur, *coram ordinario Judice, vel delegato ab eo, specialiter esse presentanda*, qui, si ea diligenter inspecta, in nulla sua parte, vitiata repererit, per publicam personam illa præcipiat *exemplari*, eandem auctoritatem per hoc cum originalibus habitura: textus intelligitur, quando ex unius tantum partis voluntate *instrumentum originale* per Tabellionem exemplatur; non autem, si cum consensu utriusq; vel ejus, qui eo gravatur; sic Mynsinger: *centur. 6. observ. 74. n. 2.* Haundustum. 5. tr. 4. n. 410.

Cuius ulterior ratio est, quia quando eadem est persona tabellionis, quæ scripsit *originale*, & quæ scripsit *exemplum*, tunc *exemplum* plenam fidem facit sicut ipsum *originale* absque alia *judicis*, auctoritate, cum idem tabellio de eodem actu possit plura *instrumenta* conficere; sic Felinus in c. *Albericus, n. 2.* Abbas, n. 5. *de testib.* Lel. de Zanch. *privil. 64. n. 18.* Menoch. *remed. 4. adipisc. ex n. 653. & cons. 175. n. 29.* quos citat, & sequitur Barbosa in *dict. c. fin. n. 2.* qui n. 3. addit: Vicarium Episcopi, vi commissionis generalis, non posse auctorare *exemplum ex originali sumptum*, ut habeat eandem vim, & auctoritatem cum *originali*; ubi tamen nota, nos loqui de *transumpto ex instrumento*; non autem ex *protocollo*; nam de hoc egimus n. 1824.

Hæc tenus diximus de *exemplis*, seu *transumptis ex protocollo*, vel *instrumento publico*, quæ etiam dicuntur *copiae fidimatæ*; quæstio nunc est de *copia*,

pia, seu transumpto *ab homine privato*, an talis mereatur fidem contra Adversarium? ad hoc responderetur ex L. 2. ff. b. t. *quicunque à Fisco convenitur, non ex indice, & exemplo alicujus scripturæ sed ex authenticō conveniendus est.* Et c. i. b. t. si scripturam authenticam non videmus, ad exemplaria nihil facere possumus. Ad horum explicationem not. dupliciter considerari posse *chirographum*, seu scripturam privatam, quæ manu propriâ scribentis scripta, vel subscripta est; primò si testium subscriptione, vel sigillo, aut aliis administris simul munitasit; 2. si his administris careat; ubi nota has scripturas privatas vocari etiam *instrumenta domestica*, seu privatas testationes, & annotationes; quo observato, quæ diceamus à n. 1857. de vi probandi competente, aut non competente ejusmodi scripturis privatis (de quibus etiam diximus suprà) intelligenda veniunt, de illarum transumptis à privato factis. Cùm autem quandoq; contingat, quòd ejusmodi copiæ à privatis factæ reponantur in Archivo, dubitatio est, an probarent in præjudicium alterius? Resp. quòd tali casu non censerentur eò repositæ, tanquam authenticæ, ut pote solemnitatibus destitutæ; unde ex hoc illis capite non accedere maiorem vim probandi, quam habeant tali repositione seclusâ.

1833. Quæstio ulterior est, 1. an plenam fidem faciat, vel habeat vim ejus scriptura desumpta ex originali per alium, quam illum Notarium, qui scripsit originale? licet habeat omnes reliquas solennitates instrumento authenticō necessarias? Resp. negativè ex Novella 44. ibi: *Nos autem credimus, oportere universis auxiliari, & communem in omnibus facere legem, quatenus præpositis operi Tabellionum, ipsis per se omnibus modis injungatur documentum, ut dum dimittitur, interstet, & non aliter imponatur chartæ completio, nisi hæc gerantur: ut habeant, unde sciant negotium, & interrogati à Judicibus, possint quæ subsecuta sunt, cognoscere, & respondere.* Ex hoc enim colligitur, Notarium, qui non fuit præfens actui, non posse *super talia aucto* facere instrumentum au-

thenticum; aliud est, de instrumento ad petitionem partium confessio super confessione coram se facta à partibus, confessis se tali die, loco, coram talibus testibus, talem contractum celebrasse; id enim posset, sed præcisè scribendo, quòd partes hoc coram se fassæ sint. Ex hoc autem, quòd ex tali instrumento rectè probetur illorum confessio, quòd hoc confessi sint, se contractum celebrasse, non propterea pari firmitate probatur ipse contractus celebratus, ut inde possit fieri executio, ut colligitur ex authent. *Si quis, C. de edendo.* nisi partes expressè consentirent, ut hoc exemplum inter ipsos habeat vim originalis; nam stante confessione tali potest abesse, quòd negotium gestum sit, aut, ad hujus faciendam fidem, scripturam Notarii rogaverint.

Responsio negativa inn. preced. 1834. procedit etiā in casu, quo exemplum ab alio confectum produceretur in judicio, ubi pars contra illud nihil opponeret. Nam cùm fides fieri debet in judicio non tantum parti, sed vel maximè Judici, eò quòd iste definire debeat causam; id autem fieri non posset, ubi judex adverteret, non esse legitimum, rejici potius deberet, quam assensu comprobari. Cœterum, si exemplum sit transumptum per publicam personam Judicis autoritate, vel Ordinarii, vel delegati ad hoc specialiter, plene probat ex c. fin. b. t. relato supr. n. 1830.

Dixi, si exemplum sit transumptum 1835. per personam publicam Judicis autoritatē facere tunc plenam fidem, sine alio nimirum requisito; quia verò ex quibusdam legibus videtur hoc posse impugnari, quòd interdum videantur exigere publicationem, vel insinuationem; ideo pro istorum distinctione observandum inter hæc istam esse differentiam, quòd Exemplatio sit transumptio ex originali; publicatio scripturæ propriè fiat de scriptura privata, quæ cùm per se non haberet vim probandi, adhibitis adhibendis redigitur in publicam & probantem formam; & tunc requiritur insuper citatio partis, & testium: Insinuatio autem non fiat propter tribuendam scripturæ au-

Nnn 3 thorita-

thoritatem, sed requiratur, tanquam solum complemetum, & valorem actus, jure ita disponente, v.g. quando dicitur, ad valorem donationis excedentis 500. Solidos requiri insinuationem: & tunc reqiritur, ut descriptio fiat in actis publicis, & servetur solennitas de jure requisita L. 32. C. de donationibus; quo posito constat, ut talis exemplatio, seu exemplum plenè probet, non requiri ejus publicationem, vel insinuationem; sed exigunt ad alios fines. Observandum 2. in casu, quo Judex ordinarius ejus, qui petit fieri exemplum, petitioni defert, id fieri debere citata parte, cuius interesse potest exemplatio, hac ratione, ut si sit persona certa, citatio ejus fiat; si incerta, per edictum: si non subdita, citatione solum invitoria, seu monitoria, non autem coarctatoria, ut diximus suprà; & exemplationem fieri non posse, ubi in originali extat aliqua cancellatio; quæ causa est, quod in cit.c. præcipiatur, ut Judex prius accuratè inspiciat originale.

1836.

Quæst. 2. est, an exemplum, seu copia transumpta faciat plenam fidem, quando asservatur in Archivo publico, ad hoc specialiter erecto, ut inibi sole scripturæ authenticæ asserventur, addita per Archivarium inscriptione? Resp. quod sic, ex Authent. ad hæc, C. b.t. ibi: *Ad hæc ex his literis, quibus Adversarius tuus utitur, & profert, recte petis examinationem fieri.* Item & charta, quæ profertur ex archivio publico, testimonium publicum habet; id, quod aliqui etiam extendunt ad exemplum, præsente parte adversâ registratum in actibus publicis; quibus addunt, exemplum etiam eo casu habere testimonium publicum, quo propter nimiam antiquitatem discerni nequit, an sit originale, an transumptum? modò conitare possit confectum esse ab eo, qui Tabellio fuerit, cum debitiss alias solennitatibus, quod maxime procedere volunt in defectu aliarum probationum; eò quod ejus antiquitas ex privilegio illud eximat à præsumptione falsi.

1837.

§. 4.

An, & qualiter probent Acta publica, & judicialia?

A Cta, licet quandoq; sumantur pro loco, in quo residet Judex, instrutus de causa, recognoscens, ubi acta deteguntur, ut quilibet factum suum audiat, aut videat, & suum consequatur meritum: qui locus aliter etiam *ius appellatur L. pen. §. fin. ff. de just. jur.* tamen acta simpliciter sunt publicæ scripturæ negotiorum, quæ in judicio aguntur, continentes ordinem eorum, modum, & figuram, vel etiam sunt processus, sive gesta Curiae; glossa in L. acta, ff. de re judic. &c. quoniam contra, de probat. Sunt in triplici differentia: nam quædam dicuntur ordinativa, quæ scilicet valent ad ordinationem judicii, ut est libelli oblatio, litis contestatio; quædam vocantur indagativa veritatis, quæ valent ad veritatis indagationem, ut depositio testium, editio instrumentorum, & confessio partium; quædam nuncupantur decisiva litis, quæ valent ad decisionem causæ. Differunt à Commentariis, ut ostendit Baldus in Annotat. ad L. abesse, de muneribus, dicens, commentarios esse privatam memoriam; acta verò debere esse memoriam publicam testata, quæ in æario esse solebat; de quibus V. dicta supr. an. 157. ubi etiam distinximus acta in judicialia, & non judicialia, & amborum expositionem tradidimus; quibus positis:

Quæstio est 1. an acta requirant scripturam? 2. an præsentiam Notarii & partium? 3. an per acta judicialia probetur rem ita gestam esse, prout scriptam exhibit acta? 4. an idem dicendum de actis Judicis solum existimati? 5. an acta, quæ valent in uno judicio, fidem faciant in alio? 6. an idem tenendum de actis coram Judice incompetente? 7. an probent, etiam peremptâ instantiâ? 8. an coram Judice subrogato?

Ad 1. Resp. scripturam in actis, non 1838. judicialiis, non requiri ad eorum substantiam; secùs in judicialiis; ex dict. an. 129. Ad 2. Resp. affirmativè, ex c. quoniam